

Quin se hè que lou baqueroû

adare ploure e sie triste,

quoan , audaban, tout l'embroû

bourroumbabe dab sa cansou ?

Quin a poudut cambia ta bìste d'amou ?

Ey lhèu permou que la maynade

qui soulè* boère, au prat besî,

ha pèche la soue bacade,

e dab tu ha bère pinnade,

quauque téms-a, n'éy per aci tournade ?...

E l'aberés aymade, au mén ?...

mes, tu nou sàbes pas encoère

ço qu'éy d'ayma seriousamén ;

Que n'as quatorze ans soulamén,

e deya que-t da, la baquère, turmén ?...

Nou bédes pas que Margalide
se trufe pas mau dou toû co ?...

Tan d'âutes que l'an perseguide
qui soun d'âdyè oum om se maride,
e tu, n'as pas abé d'aco ahide !

Counsole-t dounc, mon baqueroû :
tourne canta, coum en darrères,
debertéch-te dab toun *Farouï*,
saute p'ou prat coum las betères,
més, cred-me, dèche las baquères à lou.

**soulè : avait coutume (v. soûlè)*